

Na osnovu člana 121. i člana 176. stav (1) Zakona o visokom obrazovanju Kantona Sarajevo („Službene novine Kantona Sarajevo“, 36/22), a u vezi sa članovima 103. 119. i 135. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20,39/21), člana 234. Statuta Univerziteta u Sarajevu, Odluke Vijeća Univerziteta u Sarajevu - Pedagoškog fakulteta broj: 23 - 01- 238/24 od 12. 2. 2024. godine i Odluke Senata Univerziteta u Sarajevu broj: 01- 4 -71/24 od 28. 2. 2024. godine,

**UNIVERZITET U SARAJEVU – PEDAGOŠKI FAKULTET
OBJAVLJUJE**

K O N K U R S
za izbor akademskog osoblja

Nastavnika u zvanje redovnog profesora za naučnu oblast: Pedagogija, 1 izvršilac - puno radno vrijeme

Uvjeti:

Pored opštih uslova propisanih Zakonom o radu FBiH, potrebno je da kandidat ispunjava uslove iz člana 94, 96. 100. 103. 115. Zakona o visokom obrazovanju („Sl. novine Kantona Sarajevo” br. 33/17, 35/20, 40/20 i 39/21).

Uvjeti koje kandidati treba da ispunjavaju za izbor u naučnonastavna zvanja su:

redovni profesor: proveden najmanje jedan izborni period u zvanju vanrednog profesora, najmanje osam naučnih radova objavljenih u priznatim publikacijama koje se nalaze u relevantnim naučnim bazama podataka, najmanje dvije objavljene knjige, originalni stručni uspjeh kao što je projekt, patent ili originalni metod, te uspješno mentorstvo najmanje po jednog kandidata za stepen drugog odnosno integrisanog ciklusa studija i trećeg ciklusa studija.

Član akademskog osoblja u zvanje redovnog profesora može biti izabran i prije isteka perioda na koji je biran ukoliko ispuni uvjete za izbor u više akademsko zvanje i ako je proveo u nastavi najmanje tri godine nakon posljednjeg izbora te ukoliko je od propisanih radova za izbor u više zvanje za redovnog profesora dodatno objavio najmanje pet naučnih radova u citatnim bazama podataka.

Kandidati za izbor u akademska zvanja uz svojeručno potpisanu prijavu na konkurs obavezno prilažu u štampanoj i elektronskoj formi:

- a. biografiju (CV) i spisak objavljenih naučnih radova, projekata, patenata ili originalnih metoda iz oblasti za koju se vrši izbor,kao i radove (u elektronskoj i štampanoj varijanti);
- b. diplomu o stečenom naučnom stepenu doktora nauka—ili diplomu o završenom III ciklusu studija sa dodatkom diplomi – ovjerenu fotokopiju
- c. diplomu o stečenom naučnom stepenu magistra ili diplomu o završenom II ciklusu studija sa dodatkom diplomi – ovjerenu fotokopiju
- d. diplomu o završenoj odgovarajućoj visokoj stručnoj spremi (VSS) ili diplomu o završenom I i II ciklusu studija sa dodatkom diplome - ovjerenu fotokopiju
- e. prijevod/i gore navedene/ih diplome/a – original/e ili ovjerenu/e fotokopiju/e
- f. rješenje/a o priznatim inostranim visokoškolskim kvalifikacijama ukoliko su gore navedene diplome/a stečene – van područja BiH - original/e ili ovjerenu/e fotokopiju/e
- g. listu objavljenih knjiga, udžbenika i naučnih radova kao i same knjige i radove, sa vidljivim dokazom o objavljivanju istih;
- h. podatke o nagradama i priznanjima u vezi sa odgovarajućom naučnom oblasti, ukoliko kandidat isto posjeduje;

- i. kandidati za izbor u zvanje vanrednog ili redovnog profesora prilažu potvrdu o provedenom najmanje jednom izbornom periodu u prethodnom znanju, odnosno potvrdu da su proveli u nastavi najmanje tri godine nakon posljednjeg izbora, ukoliko su ispunili uvjete za izbor u više zvanje prije isteka roka na koji su birani;
- j. dokaz o uspješno obavljenom mentorstvu kod izbora u odgovarajuće akademsko zvanje;
- k. izvod iz matične knjige rođenih—original ili ovjerenu fotokopiju;
- l. uvjerenje o državljanstvu—original ili ovjerenu fotokopiju;
- m. dokaz o supstituciji objavljene knjige i/ili mentorstva u skladu sa članom 115. stav (2) Zakona o visokom obrazovanju (“Službene novine Kantona Sarajevo”, broj: 33/17,35/20, 40/20 i 39/21), članom 199. stav (1) i (2) Statuta Univerziteta u Sarajevu, u slučaju da kandidat iz objektivnih razloga nije mogao ispuniti navedene uvjete,
- n. ostalu dokumentaciju (reference) kojom kandidat dokazuje da ispunjava uvjete za izbor u zvanje

Navedena dokumentacija u štampanoj formi se dostavlja u originalu ili ovjerenj kopiji.

Kandidati koji su diplome stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je pomenuti postupak pokrenut.

Kandidat zasniva radni odnos u skladu sa Odlukom o izboru u akademsko naučnonastavno zvanje Senata Univerziteta u Sarajevu.

Kandidati su dužni da pored navedene dokumentacije dostave i ostalu potrebnu dokumentaciju kojom dokazuju da ispunjavaju uslove za izbor u skladu sa Zakonom i Statutom.

Uslovi za izbor kandidata u naučnonastavna zvanja utvrđeni su u članovima 94., 96., 100., 101., 102. i 103. Zakona o visokom obrazovanju („Službene novine Kantona Sarajevo“, broj:33/17, 35/20,40/20 i 39/21).

Konkurs ostaje otvoren 15 dana od dana objavljivanja. Prijave sa traženom dokumentacijom dostavljaju se lično na protokol ili putem pošte sa naznakom:

Univerzitet u Sarajevu - Pedagoški fakultet Sarajevo
Služba za pravne i administrativne poslove
sa naznakom „PRIJAVA NA KONKURS ZA IZBOR AKADEMSKOG OSOBLJA“
Skenderija 72
71000 Sarajevo

Bliže informacije mogu se dobiti u Službi za pravne i administrativne poslove, kontakt osoba Binas Nikšić, dipl.iur, telefon: + 387 33 20 45 49, e-mail: bniksic@pf.unsa.ba

Nepotpune i neblagovremene prijave neće se uzeti u razmatranje.